

ხიზაჩიძე № 03.16.

# ვსაღი

იუმორისტული  
ქურნალი

№ 2


# მეცხეობა

ფასი 10 კაპ.

კვირა, 8 მარტი

1915 წ.

ბრძოლა თფილისის ქალაქის გამგეობისა მთარულ სენთან.



ალექსანდრე ივანიჩი. პაქალუსტა, ალექსანდრე მიხაილოვიჩი, ეგ მაყალი  
ცოტა იკით მისწი, ლამის ჩვენც გამოვიბრჩვეთ.

# სტუდენტის ნააზრობი

## ა. ბელუჩები.

მატარებლის ბილეთი და უკანასკნელი შვიდი კაბეიკი ჯიბეში ჩავიდე და ვაგონისაკენ წავედი მწარე ფიქრებში გართული.

ის იყო უნდა შევსულიყავი, რომ ვაგონის კიბეზე ორი ბელურა-ჩიტი ახტა რიგ-რიგობით და დაიძალა.

ხუმრობის გუნებაზე რომ არ ვიქნებოდი იმ წუთში, ამას თქვენც დამაჯერებთ, როცა ჩემს გარემოცბას შეიტყობთ, და ის ორი ფეხი, ქალის კობტა ფეხები, ისე პაწაწინები იყვნენ და ისე მარდათ აარბინეს საფეხურები, რომ, გეფიცებით, პირველ შეხედვით მე მართლა ბელურები მეგონენ.

ალბათ თქვენც გაგიგონიათ: ბუნების მეტყველ სწავლულთათვის საკმაოა რომლისაზე დაშენებულ ცხოველის თუნდ ერთი ძვალი იპოვნონ, ვსთქვათ, კიმიკა ან კოკი, რომ ამ ერთ ძვლის მიხედვით იმ გადაშენებულ ცხოველის სრული ჩონჩხი და აგებულობა ააშენონ.

მეც სწორეთ იმ სწავლულებს ვგეგვარ; განსხვავება ის არის, რომ სწავლულები, როგორც ვიცო, კარგა ხანს უნდებიან კიმიკის მიხედვით ჩონჩხის აგებას, მე კი ერთის შეხედვით ვასწრებ: აი, თუნდ ახლაც.

დავრწმუნდი თუ არა, რომ ის ორი ბელურა მართლა ბელურები კი არა, არამედ ფეხები იყვნენ, იმ წუთშივე თვალწინ დამიდგა თავით ფეხამდე თვით პატრონი ბელურებისა.

ჩემის წარმოდგენით, ე. ი. თანახმად ფეხების მოხაზულობისა და ჩემ მეცნიერულ აღდგომა, ის უნდა ყოფილიყო შუა ტანისაზე ოდნავ მაღალი, ქერა; ღურჯ-თვალი ქალი, ვერცხლის წყალივით ცქრილა, ბავშვივით ცელქი და ქალივით ცბიერი. აქედანვე დარწმუნებით ვიცოდი, რომ იმ ქალს სიცილის დროს ლოყები მაცდურათ უნდა ჩაღრმავებოდა ხოლმე და ისიც ვიცოდი — ყელზე, ზედ მკერდის საზღვართან, მარცხნით, უთუოთ პატრა ბუჯის ტოლა ხალი უნდა ჰქონოდა.

ჩემი მეცნიერული გამოკვლევა გამართლდა, და ვაგონში სწორეთ ისეთი გარეგნობის ქალი დამხვდა, მე რომ მოველოდი.

მხოლოდ ერთ რაშიმე შევცდი: ხალი მარცხნით კი არა, მარჯვნივ აღმოაჩნდა ყელზე.

— უკაცრავათ, ქალბატონო! ეს ადგილი თავისუფალია? ზრდილობიანათ ვკითხე მე და მის პირდაპირ ადგილზე მიუწოთი.

— არ ვიცი, სწორეთ! მეგონი! მოკლედ მომიჭრა მან ისე, რომ არც კი შემომხედა.

დავეჯექი. დასაწყისი არ მომეწონადა კვალავ ჩემს შავ ფიქრებს დავებრუნდი: ჩაი, შაქარი, სადლი... ყველაზე უფრო კი სცვლები, საცვლები! ღმერთმა დალახე-ოს ის რუსის დედაკაცი: ვერავითარს ხეწნა-ვედრებამ მასთან ვერ გასკრა! ერთი წყვილი საცვალი მინც დაე-მო, მხოლოდ ერთი წყვილი!.. არა, ეს ფიქრები სწორედ ჭკუაზე შემშლის! როგორმე უნდა თავი დავახწიო. საქმეს ხომ მინც ვერაფერს ვუშველი!

მატარებელი დაძრა.

ცალის თვლით იმ ქალისკენ გავიხედე და სწორეთ იმ დროს დავიკირე, ჩემკენ რომ იცქირებოდა ოჰო! ეს კარგია! მ.შ. კიდევ ცვალოთ:

— უკაცრავათ, ქალბატონო: მე ცოტა ხნით მეორე ვაგონში უნდა გავიდე, იქ ნაცნობი ზის და; თუ თქვენთვის საძნელოა არ იქნება, ხანდახან გაჰხედეთ ხოლმე აი იმ ნივთებს, არაჟინ წაიღოს, ვთხოვე მე და ვილადაცას ნივთები ვანიშნე თაროზე.

— თქვენ შეგიძლიათ, თუ გნებავთ, სულაც დარჩეთ თქვენს ნაცნობთან: სიტყვას გაძღვეთ, რომ მე ამ ნივთებს თვალს არ მოვაშორებ, ეშმაკურის ღიმილით მიბასუხა ქალმა.

— გმადლობთ, ჩავილულლულე მე, რადგან ვიგრძენი, რომ რაღაც მახეში გავები.

— არც მადლობისათვის შეგაწუხებთ, რადგან ეს ნივთები ჩემი განლაგეს, სთქვა ქალმა, გადხარხარა და ლოყები მაცდურად ჩაულრმავდა.

— ვაი შენს გიორგის, გავიფიქრე მე გიორგი მქვიან; ეს რა სისულელე მომივიდა!.. მაგრამ განა სულ ერთი არ არის? საქმე ქალის გაცნობა და მეც ხომ გავიცანი... უნდა გამოვაკეთო მდგომარეობა!

— მერე ვინ გედავებთ, ბატონო! განა მე კი არ ვიცი, რომ თქვენია? სწორეთ იმიტომ მოგახსენებდით, თვალყური გეჰქირ-სთქო, თორემ ჩემი რომ ყოფილიყო გავებდავდი თქვენს შეწუხებას?

— ოჰო! თქვენ ენა-მახვილ კმაწვილსა ჰგეგხართ, ღიმილით მითხრა ქალმა.

— თქვენ კი ანგელოხს! აღარ ჩამოვრჩი მეც. ამ სიტყვებზე ქალი გაწითლდა, ფანჯარისაკენ მიიბრუნა პირი და სივრცეში ცქერა დაიწყო.

ტელეგრაფის მ ვთუთზე ორი ბელურა იჯდა. მატარებელი რომ დაუბრდაპირდა, ერთმა მათგანმა შეიფრთხილა და გაფრინდა.

— შეამჩნიეთ, ქალბატონო, რა უეცრათ გაფრინდა ჩიტო? შეპკივლა კიდევ გაფრენისას! როგორ გგონიათ, რამ შეაშფოთა ეგრე? აღარ მოვეუბნე მე, რაკი ერთხელვე სალაპარაკოთ გამოვიწვიე.

— რა მოგახსენოთ, ალბათ... თუ შეეშინდა და მიტომ გაფრინდა.

— არა, თქვენ ვერ მიხვდით!

— მაშ რათა?

— რათა და მავთულმა საშინელი შინაარსის დეპეშა გაატარა მის კლანქებში.

— რასა ბრძანებთ! საბრალო! ირონიულის მოწყენით წარმოსთქვა ქალმა.

— დიახ, დიახ! სწორეთ!

— მერე რა შინაარსის იყო დეპეშა?

— „თქვენი ქმარი მოკვდა. დაუყოვნებლივ გამოემგზავრეთ“. თავზარდაცემულმა ბელურამ შეპკივლა და გაფრინდა.

— მეორე ჩიტი რატომ-ღა არ გაფრინდა? ღიმილით ჩამეძია ქალი.

— იმიტომ, რომ სხვა მავთულზე იჯდა.

— სტყუით, სტყუით! მე დავინახე, იმავ მავთულზე იჯდა. ღმერთანი!

— მაშ ის უფულო ქმნილება ყოფილა, ან კიდევ ცოლქმრობა გამოუტლია და უფრო საღი უყურებს შეუღლის გარდაცვალებას.

საქმე გაიჩარხა.

შემდეგი მუსა ფი ვაგონის ბაქანზე განვაგრძეთ: მე, რაღაც ბედზე, ოხუნჯობის გუნებაზე დავდექი და ჩემ მშვენიერ ნაცნობის კისკის საზღვარი არ ჰქონდა.

მისთვის გამოირკვა, რომ მე საზაფხულოთ სახლში წასვლას აქ დაჩენა ვარჩევ სამაცადნიოთ და, რათა უფრო მუყითად მემუშავნა, ქალაქიდან სააგარაკოთ გამოვედი, ბუნების წიაღში. რაც შეეხება ჩემს ფინანსიურ მდგომარეობას, ჩაისა და შაქრის უქონლობას და იმ გარემოებას კიდევ, რომ საბაგელ მრეცხავ დედაკაცისთვის 4 მანათ ნახევარი ვერ მიმიცია საცვლების დასასხნგლოთ და ამის გამო სამი კვარა საცვალი არ გამომიცვლია — ეს ინტიმური ზნარე ჩემი ცხოვრებისა, რა თქმა უნდა, დავუმალოე.

ჩემთვის კი გამოირკვა, რომ ჩემი ახალი ნაცნობი მოსწავლე ქალი ყოფილა, კურსების მსმენელი, ეგზამენები ჩაუბარებია და ახლა შინ მიდის, და რაც ყველაზე საინტერესო და სასიამოვნოა, სწორეთ იმ სოფლელი ყოფილა, საცა მე სააგარაკოთ ვარ; ეს კიდევ არ კმარა: სწორეთ ჩემ სახლის გვერდით მდგარა და ჩვენი ფანჯრები ერთმანერთს თურმე გასცქერნიან.

მატარებელი რომ გაჩერდა ჩვენ სადგურთან, ნივთების გადატანა ვუშველე და დავემშვიდობე, რადგან მას დედა და ნათესავები ელოდენ სადგურზე და იმათ უნდა გაჰყოლოდა.

ნახევრად შეყვარებული გავმორდი ჩემს ახალ ნაცნობს და დარწმუნებულა ვიყავი, რომ მასაც არა ნაკლები გრძნობა გაუღვივდა ჩემ მიმართ. ღამდებოდა.

### ბ. პრაფესორი მანტეგაცა

მხოლოდ შუაგზაზე შევნიშნე, რომ ჩემი ნაცნობის წიგნი წამომკლა თან: ნივთების გადმოტანას რომ ვშველოდი, დამეწყებოდა და აღარ ჩამებარებინა...

ოჰ, სიყვარულო, ძალავ დეთიურო! როგორ გამახარა იმ წიგნმა! ეს ხომ იმისი ნივთია! ის კითხულობდა, მრავალჯერ ხელი მოუქიდა, გადაუფურკლავს!

დამავიწყდა ჩემი 7 კაპეიცი, უშაქრობა, უჩაიობა და თვით მრეცხავი ქალიც!

ნაბიჯს მოვუჩქარე და რამდენიმე წუთში ჩემს ოთახში გავჩნდი.

ის იყო წიგნის გადაშლა მინდოდა, რომ კარები გაიღო და მოახლე შემოვიდა:

— ბატონო, ის დედაკაცი იყო კიდევ!

— მერე? საცვლები გამოართვით?

— როგორ უნდა გამომერთმია... ოთხ მანეთ ნახევარი მართებს ჩემიო და სანამ არ გადამიხდის, დარ ავუბრუნებო... თან წაიღო!

ეს მეხუთჯერ მოაქვს იმ უნამუსოს საცვლები, წამომაჩვენებს, თითქო გაღიზიანება უნდაო, და თანვე წაიდებს ხოლმე.

— ჰო, კარგი. თქვენ საქირო აღარა ხართ. შეგიძლიათ წახვიდეთ.

მადლობა ღმერთს! ძლივს მარტო დავრჩი! მივარდი წიგნს და გადავშალოე:

— პროფესორი მანტეგაცა. „შრომა და კაპიტალი“.

დახეთ, რა წიგნებს კითხულობს! ერთმა აზრმა გამიელვა: ეს წიგნი კარგი საბაბია, მოდი, ეხლავე წერილს ვავგზავნი, შევატყობინებ, რომ წიგნი ჩემთან არის და თან ვსთხოვ, ხვალ დილაშე ჩემთანვე დარჩეს მეთქი.

დავჯექი და დავსწერე:

მის მაღალ-კეკლუცობას ქ-ნ ტატინა ევგრაფის ასულს.

ანგელოზის ზინს პირდაპირ მცხოვრებს, სტუნდენტ-ს გიორგი მაკრატელიძის

თხროვნა

ვინაიდან ჩემზე საშინლათ მოქმედობს მატარებელი, როცა ვაგონშიღლამაზ ქალს ვეწუსაიფები: თვბრუ მებევეა ხოლნე და თვალეზი მიბნელდება, და ვინაიდან დღეს სწორეთ მატარებლით მკაზერობა შეზხვდა, ამის გამო მხოლოდ შინ რომ დავარუნდი, მაშინ შევაძნიე, რომ თქვენი წიგნი, პროფ. მანტეგაცას „შრომა და კაბიტალი“ გამომყოლია. უმორჩილესად გთხოვთ, თქვენო მაღალ-კეკლუცობავ, კეთილ ინებოთ და ხსენებული წიგნი ხვალ დილაძე მათხოვოთ.

გიორგი მაკრატელიძე

ეს წერილი მოახლის ხელით გავგზავნე, თითონ კი წიგნს მივუჯექი. გადავშალე რამდენიმე ფურცელი და ჩემი ყურადღება შემდეგმა ხაზგასმულმა ფრაზამ მიიქცია:

— „შრომა ზნეობის ქვაკუთხედი და უღრესი სიტკბოებაა ცხაგრებაში“.

აი უდიდესი ჭეშმარიტება, მოკლეთ და მარტივათ გამოთქმული! სწორედ გენიოსი უნდა იყო, რომ ასე უბრალოთ ასე ღრმა აზრი გამოსთქვას!

არა, ჩემ ტატინასაც რომ ხაზი გაუსვამს! აი, სად დავიკირე ჩენი სოციალისტები, რომელნიც 8 საათის სამუშაო დღეს მოითხოვენ მუშებისათვის და მაშასადამე, ზნეობის ქვაკუთხედსაც ადღვევენ და უღარეს სიტკბოებასაც ართმევენ მუშა ხალხს. დიახ! შრომა უღარესი სიტკბოება და ზნეობის ქვაკუთხედი და, რაც მეტს შრომობს მღშა, მით მეტი ზნეობა აქვს და მეტი სიტკბოებას განიცდის, ხოლო ვინც სამუშაო დღის შემცირებას მოითხოვს, ის უზნეო და გარყვნილია!

არა, ეს წიგნი უთუოდ უნდა შევიძინო და საქართველოში წავიღო, რათა დავანახო ჩვენს სოციალ...

ისე გავერთე ამ მშვენიერ წიგნისაგან გამოწვეულ ფიქრებში, რომ ვერც კი შევაძნიე ოთახში შემოსული მოახლე.

- აი, ბატონო, პასუხი გამოგიგზავნათ.
- მოტა, ჩქარა!

კონვერტი გავხიე და წაიკითხე:

„წიგნი პირადათ უნდა ჩამაბაროთ ხვალ, დილის შვიდ საათზე ამ ქუჩის ბოლოში. ტატინა პოტროხოვა“. P. S. იმედი მაქვს, აქ, აგარაკზე, აგარაკულათ ცხოვრობთ და ს საათზე დგებით ხოლმე. ტ. პ.“.

—ვაშა!

ეს „ვაშა“ ისე დავიყვირე სიხარულისაგან, რომ მოახლე შეერთა და კარებისაკენ დაიხია.

—გრუშა! მივუბრუნდი მოახლეს: თქვენ იცით, რომ შრომა ზნეობის ქვაკუთხედი და უღარესი სიტკბოეა?

—მე თქვენი ლაპარაკი არ მესმის, ბატონო!.. ჩემებისა და ტანისამოსის დერეფანში გამოტანა არ დაგავიწყდესთ, თორემ კიდევ გამოჯავრდებით, რატომ არ გამიწმინდეთ... სამოვარი მოგართვათ?

— მოიცა, მოიცა გრუშა!

მოახლე კარებში გაჩერდა.

მანტეგაცას გენიოსური სიტყვების გავლენით თავში გენიოსურმა აზრმა გამიბრინა ელვის სისწრაფით: ამაღამ ჩემი საცვლები, რომელიც ამ წუთში ტანთ მაცვია მევე უნდა გავრეცხო, ჩემის ხელით. ვინ იცის, ხვალ დილით ჩემმა ტანიჩკამ პერანგის წვირიანი სახელოები შეამჩნიოს, ხომ მომეჭრა თავი. ესეც არ იყოს «შრომა ხომ უღარესი სიტკბოებაა» და...

—გრუშა, ერთი სამსახური უნდა გამოვიოთ.

—ბრძანეთ, ბატონო.

— იცით, გრუშა: მე ცოტა ავათა ვარ და ექიმმა ნელთბილი აბანო გამომიწერა. შემომიტანეთ სამოვარი, სამი ვედრა ცივი წყალი და ერთი დიდი ტაშტი, თუ ვაქვთ.

— ბატონი ბრძანდებით!

— აბა მალე, ჩემო გრუშა!

რამდენიმე წუთის განმავლობაში ჩემი ბრძანება შესრულებული იყო.

გავიდა თუ არა მოახლე, დავხურე ფანჯარის დარაბები, გავიხადე ტანთ, ტანისამოსი და ჩემებში დერეფანში გავიტანე, დავკეტე კარი, გავიხადე საცვლებიც და საქმეს შევუდექი, თავით ფეხამდე ტატლიკანა.

არა, სად გაჩნდა ამოდენა ენერჯია და საქმის ცოდნა! ისე მარდათ და მუყაითათ ვრეცხავდი, რომ ვისმეს ვენახე—პროფესიონალური მრეცხავი ვეგონებოდი.

მუშაობის დროს განუწყვეტლივ ჩემი ტანიჩკა მედგა თვალწინ და ხვალდილის პაემანზე ვფიქრობდი ალტაცებით, ხოლო საქმის გათავებისას ისეთი სიამოვნება და სულიერი კმაყოფილება განვიცადე,

რომ თითქმის თვალნათლად დავინახე შუბლ მაღალი და გრძელ წვერა პროფესორი მანტეგაცა და გავიგონე მისი სიტყვები:

—დიახ, ყმაწვილო კაცო, შრომა ზნეობის ქვა-კუთხედია და უაღრესი სიტკბოება გახლავთ ადამიანისთვის.

—ოჰ, გმადლობთ, გმადლობთ ორივევ: შენც, ჩემო ნაზო ანგელოზო და შენც ბრძენო მოხუცო, და ორთავეს წინაშე მუხლს ვიდრეკ მოწიწებით.

გარეცხილი საცვლები რომ გავწურე სრული, უღამე იყო. გავადე ფანჯარა, გადავფინე კოხტათ, ჩემი საცვლები, ერთი-ორი ამბორო გავუგზავნე ტანისა, მოვხურე ფანჯარა და დავწეკი.

რაც დავიბადე, მას აქეთ მძინავს ხოლმე ღამ-ღამობით, მაგრამ ჩემს დღეში არ მახსოვს იმ ღამინდელივით ტუბილი ძილი.

ძილში სულ მანტეგაცა და ჩემი ღამაზი მეზობელი მესიზმრებოდენ: მოხუც მანტეგაცას დინჯათ მოჰყავს ჩემქენ დედოფალივით მოკაზმული ტატიანა, მაბარებს ხელში და მეუბნება:

—ყმაწვილო კაცო: გახსოვდეს, რომ შრომა ზნეობის ქვაკუთხედია და უაღრესი სიტკბოებაა ქვეყანაზე!...

### ვ. მარსელიეზი

აღბათ იმ გუნებაზე მერცხალი თუ იღვიძებს გაზაფხულზე, როცა ბუდე ახლად დამთავრებული აქვს, მე რომ გუნებაზე მეორე დილით გამეღვიძა. გამეღვიძა თუ არა, ეზოში ბავშვების ჟრიალი და სიმღერა მომესმა.

—ოჰ, როგორ მიყვარს ბავშვი! რა ბედნიერი ვარ, რომ ამ ეზოში ოცამდის ბავშვი იკრიბება და თამაშობენ! მე ისინი «შავ სტუდენტს» მეძახიან, და ვგრძნობ, ვუყვარვარ... ოჰო! მეშვიდე საათია! უნდა საჩქაროთ ტანთ ჩავიცვა, რომ პაემანზე არ დავაგვიანო. მაგონდება ჩემი საცვლები, ლოგინიდან ვბტები და სიამოვნების ღმილით ფანჯრისკენ მივდივარ.

ჩუ! ბავშვები, მგონი მარსელიეზას მღერიან! ჰო, სწორეთ მარსელიეზა!...

—ტრა ტაა-ტა, ტაა-ტა-ტა, ტა-ტა-ტაა-ატა-ტა!.. ვაყოლებ მეც ხმას და პერანგი ვადმომაქვს ისე, რომ ფანჯარა არ გაიღოს და მეორე საცვალი არ გადავარდეს. კარვია! პერანგი გამშრალა კიდევ! მას ისიც მშრალი იქნება... აბა ვნახოთ!..

რალაცამ დამკრა თავის კეფაში, დამიარა ხერხე-მალში, ჩავიდა კოჭებში და იქვე ჩამკეცა იატაკზე,

ფანჯარასთან. თვალთ დამიბნელდა და გონება ამერია:

ის მეორე საცვალი, იქ აღარ იყო!..

არ ვიცი, რამდენ ხანს ვიყავი ისე ჩაკეცილი. გამოვცრკვიე მაშინ, როცა ბავშვების სიმღერა მოახლოვდა და ჩემს ოთახთან ისმოდა.

მოიცა-მოიცა! მარსელიეზას კი იმღერიან, მაგრამ ერა სიტყვებს ამბობენ? რალაც „შავ სტუდენტს“ ახსენებენ. ძალა უნებურათ... დავუგდე ყური და მე რომ გავიგონე. ჩემმა მტერმა და ორგულმა გაიგონოს:

—შავიი სტუ-დეენ-ტი-სა-ცვა-ლიი... ცივი ცივი ოფლით გამეღვარა მთელი ტიტველა ტანი. ნუ თუ? გავიფიქრე მე და წამოვდექი ფანჯარაში გადასახედათ.

ჩემი ფიქრი გამართლდა: ერთს იმ სალახანათავანს ხელში ჭირა გრძელი ჯოხზე წამოგებული ჩემი საცვალი და დროშასაებ აფრიალებდა, დანარჩენი არამხადები, ასე 25-ზე იქნებოდენ, უკან მისდევდენ მწყობრათ და გაჰკივოდენ მასელიოზის ხმაზე:

—შავი სტუდენტის...

არა, ხომ დავიღუპე ეხლა! ხომ მოედო მთელს ავარაკს ეს ამბავი! ხომ ჩასწვდა ყურში იმასაც, ჩემს გუშინდელ ნაცნობ ქალს, რომლის წინაშე ამ ნახევარ საათის შემდეგ უნდა წავრსდგე...

რატომ თვალეები არ დამიბრმავდა, როცა იმ საზიზღარ მანტეგაცას წიგნში ჩაიხედე.

რატომ მიწა არ გაუსკდა თვით იმ გამოყრუებულ პროფესორს, როცა მის სულელურ „შრომასა და კაპიტალს“ სწერდა!

არა, სასოს წარკვეთა არ ვარგა. მე ისეთთავანი არ ვარ, რომ ამ სულელურმა შემთხვევამ დამცეს სულიერათ. უნდა გამოკეთდეს საქმე და ჩემი დულცინეა დანიშნულ დროზე ვნახო!

საჩქაროთ ვიცვამ ჩემ პერანგს, ვადებ დაკეტილ კარებს, ვწვები ლოგინში და ვყვირი:

—გრუშა!

მოახლე შემოდის.

გრუშა, მომიტათ ტანისამოსი და ჩექმები! შემოაქვს.

—ეს ტუყურკა, ეს ჩექმები, შარვალი სადღაა, გრუშა?

იქვიანის ხმით ვეკითხები მოახლეს, რადგან შარვალს ვერ ვამჩნევ შემოტანილ ნივთებში.

—შარვალი, ბატონო, გაგხვეიათ უკან... მინდოდა მე თითონ მომეკერა, მაგრამ ვერ ვაგებდე და თერძს წაველე...

— როგორ? არეული ხმით ვეკითხები მე.

— ეხლა მზათ იქნება, ბატონო... მიბოძეთ ხუთი შაური და ამ წუთში მოგიბრუნებთ!

სიტყვა ყელში შეჩრება, ენის მობრუნება ვეღარ მომიხერხებია, მეორე გვერდზე ვბრუნდები ტირილს ვაპირებ...

— რა მოგივიდათ, ბატონო, თანაგრძნობით მკითხავს მოახლე: ავით ხომ არ ბრძანდებით?

სჩანს, ამან ჯერ ჩემი გაჭირვების არა იცისრა.

— ჰო, გრუშა, ავითა ვარ, ძლივს ვლულლულეხ ბრინჯიანის ხმით.

— გრილმა აბანომ თუ ვაწყინათ.

— მეც ვგრე მგონია.

მოახლე ვადის.

მარსელივხა ახლა ქუჩიდან მოისმის.

ახლა კი დავილუბე! „იმას“ ვინლა ჩიოდა, შავალი არ დამკარგოდა! დემერო ჩემო, შვიდის შესრულებას 8 წუთი აკლია!

სასოწარკვეთილებისაგან გაგიუებული ლოგინიდან წაშოვარდები და პერანგის ამარა ოთახში დავრბივარ უაზროთ.

ფეხის ხმა მესმის და ისევ ლოგინში ვწევები.

კიდევ მოახლე. რალასაც ილიმება.

— რას იცინით, გრუშა?

შოლოდ ეხლა ვამჩნევ, რომ ხელები უკან აქვს დამალული, რალაც უნდა ეჭიროს.

მარსელივხის ხმა აღარ ისმის.

თავში სისხლი მივარდება.

— ბატონო, თქვენ არაფერი დავიკარგავთ?

— გაეთრიეთ აქედგან! საშინელი ხმით ვბღავი მე;

გოგოს ხელში ჩემი საცვალი და რალაც ქალაღდის ნაკუწი გაუვარდება და თითონ შემინებული გარბის.

ღონე მიხდილი ჩამოვდივარ ლოგინიდან, ვიღებ იმ ქალაღდს და ვკითხულობ:

„გიგზავნი თქვენს ნივთს, გთხოვთ ჩემი ნივთი გამომიგზავნოთ. ტ. 3.“

თავში რალაც აურზაური ხდება, თითქოს ორკესტრი უკრავს, შიგ, თვალწინ რალაც ფიგურები ხტიან, ერთი მათგანი მანტეგაცვა უნდა იყოს, მეორე კი ჩემი საცვალი... უეცრივ მანტეგაცვა თვალღებში ქუსლს დამარტყამს და გონება მეკარგება...

თავუნა



შარაღა

მე არ მსურს დიდხანს ვაწვალო თქვენი აზრი და გონება, თორემ, შარაღა ძნელხედაც უძნელო მომეგონება.

მონახეთ სიტყვა, რომელიც გაზაფხულისა ხატია, იზიდავს თვალსა კაცისას, ვით რკინას ანდამატია.

მას მიუმატეთ მეორე ორ მარცლოვანი სახელი. (რითაც სულღმულობს ქეიჯში თავადიშვილი კახელი.)

დასასრულ ერთიც დასძინეთ, მინღვრის ყვავილი ნაზია, აღრე გაზაფხულს იშლება შეხედეთ რა ლამაზია!!!

და უკვე მთელი საგანი აეწყო საუცხოვოთა. უფლება არ გვაქვს ჩვენ, იგი სხვისაგან მოვითხოვოთა.

თვითთულს ჩვენგანს ლთოუღ თან დასდევს განუყრელითა, კაცი მოკვდება, ის კი აქ დარჩება უეჭველითა.

ზოგი მას ჩუმათ ატარებს, ზოგი კი გულახდილითა, მაგრამ ყოველთვის ისჯება, ვინც არ ეპყრობა ფრთხილითა.

თუ დაუფიქრდით, ახსნიღით ძნელი აქ არაფერია.

ეგზომ ადვილი საცნობი ჯერ არც კი დამიწერია.

კოლო.



# ს ა ა მ დ რ ო ვ ო .

ამ ახლო ხანში ერთი მოგვედი. თუმცა, მე რომ ზოგიერთების ამბავი ვიცი, ამას არ დამიჯერებენ. კაცმა რომ სთქვას ძნელი დასაჯერებელიც არის: ჯერ სიკვდილი... მერე გაცოცხლე! ა... ან კი აქ რაა დაუჯერებელი? მარტო ჩემს თავზე ხომ არ არის ასეთი შემთხვევა. ალიშაჰი ორჯელ მოკვდა და გაცოცხლდა; კუროკი—იპონიის, ერთი უდიდეს სარდალთაგანი, თუ მეხსიერება არ მღალატობს, ცხრაჯერ მოკლეს ხელჩართულ ომში, ერთხელ თავიც კი გაავდებინეს, მარა გაცოცხლდა. ჰო, და, მოგვედი, მარა გავცოცხლდი კი. აქ გასაკვირი არა არის რა. სიკვდილ სიცოცხლის შესახებ ამაზე უკეთესი გასაკვირი ვიცი: ჩვენ ში, და წარმოიდგინეთ თფილისშიაც, ბათუმში, ქუთაისში და სხვ... არიან კვდრები, ე. ი. უსულო ლეშნი, მარა ცოცხლობენ,—დაიარებიან, დიდ ჯამაგირებს იღებენ, უზომო და გამაველობიანი მოაშიყენი არიან, ჯამენ, სვამენ, საზოგადოებაში გამოდიან და ცოცხლებზე მეტად ყოყოხოებენ, თუმცა სული ამათ დიდი ხანია უკვე გაშორებია და კვდართა რიცხვი ჩასათვალნი არიან.

დაიხ, მოგვედი მარა ახლა ცოცხალი ვარ, და, თუ არ დამიჯერებთ შეგიძლიათ დღესვე მობრძანდეთ ჩემს სამზარეულოში და თქვენის ლამაზი თვალებით ნახავთ, რომ ჩემს კერძ სადილსაც ამზადებენ, თუ, რომ ვინმე თომასავით კიდევ გაჯიუტდება და ჩემს ცოცხლობაში ეჭვს შემოიტანს, მეტი გზა არ დამრჩენია, უნდა წერილობითი საბუთს მივმართო. მაქვს პასპორტი, რომელიც ყოველთვის და ყველგან სათანადო ადგილზე დასაბუთებს ჩემს სიცოცხლეს, ვინაიდან მე იქ ცოცხლად ვსწერივარ. ერთი სიტყვით ავდექი მკდრით, ან კი ადგომას ვინ დამიშლიდა? არსად დაზღვეული არ ვყოფილვარ, რომ „სტრახის“ ეშხით გაბრუებულ კოლშვილს ჩემი საფლავი დაეჯორგა და იქიდან აღარ ამოვეშვი. მართალია ის აღდგომა უმიწისძვრით და კრეტ-საბმელის გაურღვევლად მოხდა და ერთი ურწმუნო თომა ნაცნობთა შორის მეც აღმომიჩნდა, მაგრამ როდესაც სიკვდილს მიზეზზე, გამხმარ კუჭზე იგი ხელით დამეხო, დარწმუნდა, რომ მე „მე“ ვიყავი.


დაიხ ცოცხალი ვახლავარ, თუმცა სიცოცხლის ნება-რთვა ჯერ არ ამიღია. მართალია ქართველი მეცნიერის ფ. გ. მიერ მოცემული ნებართვით მე, როგორც ქართველს, ნება მაქვს, ადამ და ვვას მსგავსად ვიცხოვრო და ვებატრონო ქვეყანას, მარა ჩემი უბედურებაც ის არის, რომ არ ვიცი ქართველ-

თა სიაში ჩავირიცხები, თუ არა. როგორც ვატყობ არა, ვინაიდან მე არც სამშობლო ჩამომირუჯავს და არც თბილი ადგილი მქერია სამსახურში.


ა. ბლიკვაძე

## ა ლ ი ბ შ ი ე ლ ი .

ღვინისა ღმერთი,  
დიდი ბახუსი  
იჯდა მწუხარე ოლიმპის მთასა  
და ათასიოდ  
(უშინაარსო)  
არაყის ბოთლი ეხვია გარსა.



იჯდა და მწარე  
ფიქრს მისცემოდა  
მოდუნებული, სასო მიხდილი,  
(თითქო საოლქო,  
სასამართლოდან  
სამი წლის ციხე ჰქონდა მისჯილი.)  
მაგრამ ვინა სცნას  
რაზე ფიქრობდა...  
რა სადარდელი უღრღნიდა გულსა...  
აწმყოთი იყო  
განაწყინები.  
თუ დასტიროდა დროს გარდასულსა?  
დაიხ, ვინა სცნას...  
მაგრამ ცხადია  
დიდს გასაჭირში იყო ბედშავი  
და კაეშანით  
დანამძიშები  
მარჯვენა მკლავზე დაეყრდნო თავი.



დაბლა კი, (სოფლათ)  
 როგორც წესია  
 ცხოვრება სდულდა და გადმო! დულდა.  
 სიუხვით იყო  
 მიწის დოვლათი,  
 შიმშილისაგან არავენ სწუხდა.  
 არ ქონდთა მხოლოდ  
 მწყობრი ცხოვრება,  
 სიმხიარულე, წესი და რიგი...  
 (ვინც უფრო მეტათ  
 გასუქდებოდა,  
 ქკუიან კაცათ მიაჩნდათ იგი.)  
 მაგრამ მობეზრდა  
 ხალხს ერთგვარობა!  
 მარტოდენ ჭამა და არაფრის სმა.  
 მოგროვდენ ერთხელ  
 სოფლისა ბოლოს  
 და ამოიღეს ამ საგანზე ხმა.  
 —ვრცელია, ძმებო  
 ჩვენი ქვეყანა..  
 (დაიწყო მათში ყველაზე ბრძენმა.)  
 —მაგრამ წეს-რიგი  
 და სიხარული  
 არ მოგვანიჭა მამა გამჩენმა.  
 აწ დაყოვნება  
 აღარ ივარგებს  
 უნდა მოვძებნოთ რამ საშვალემა,  
 რო უფერული  
 ცხოვრება გაჰქრეს,  
 შეგვიმსუბუქდეს ტანჯვა-წვალება.  
 ვის არ მოჰბეზრდეს  
 მუდმივ სიფხიზლე,  
 და მიწიერის მუნყოფის განცდა?  
 მოვიხმოდ სოფლად

ღმერთი ბახუსი;  
 დღესვე მოვიხმოთ არ გვარგებს დაცდა.  
 დასთანხმდა ყველა  
 ბრძენის ნათუბარს  
 და წარავლინეს მოციქულები.  
 უთხრეს:—არ გნახოთ  
 ოლიმპის მთიდან  
 თქვენ უბახუსოთ ჩამოსულები!!  
 ავიდენ. უთხრეს:  
 —დიღო მეუფევ!  
 მამული ჩვენი უხვია, ვრცელი,  
 მაგრამ წეს-რიგი  
 ვერ დავამყარეთ,  
 გამვე ბატონის გვაკლია ხელი.  
 მოდი და ჰმართე  
 ჩვენი სამშობლო  
 ყველაფრით შემკულ-შენაზავები,  
 მიიღე მსხვერპლათ  
 ჩვენი ქონება  
 და ქვეშევრდომათ ჩვენი თავები.  
 ჯერ შეყოყმანდა  
 მაგრამ ბოლო დროს  
 ბახუსმა ხალხი არ მოიმდურა  
 და იმავე დღეს,  
 ერს აღტაცებულს  
 ოლიმპის მთიდან ჩამოესტუმრა.  
 წინ გაეგება  
 მთელი სოფელი,  
 არაყის სუნით შენამხივები...  
 ისე მკრთოლოვარე  
 და მობარბაცე,  
 ვით ჩამავალი მზისა სხივები.  
 ღმერთი სათნოა  
 და გულ მოწყალე;





მორწმუნეთათვის ნუგეშის მცემი,  
 გამოიცვალა  
 სოფლის ცხოვრება  
 განმკურნებელი სიზხის ნაგემი.  
 ვისაც გულს დარდი  
 ჩაეთესლება,  
 ვისთანაც სედა დაისადგურებს,  
 მირბის ბახუსთან  
 და ის ხელ გაშლით  
 განმკურნებელი წვენი აპკურებს.  
 გამობრუნებულს  
 აღარ აწუხებს:  
 არც კაეშანი, არც გულის დარდი.  
 სახეზე აღმურ  
 მონაკიდები  
 ყვავის, ვითარცა მაისის ვარდი.  
 აწ მლიქვნელობა  
 არ იცის რაა,  
 არ იცის რაა შიში და ზრუნვა,  
 ფეხზე ჰკიდია  
 „ფოშტის ფულები“,  
 და წუთისოფლის უკულმა ბრუნვა.  
 ბახუსთან მიაქვს  
 თითქმის უკლებლივ  
 დღიური შრომით ამონაგარი...  
 (გულის სიწმინდით  
 თაყვანის ცემა,  
 არსად ნახულა ამის მაგვარი!)  
 დღენი დღეთ სდევნ,  
 თვეები თვეებს,  
 მოსდევს წელიწადს ახალი წელი  
 და ბახუსისა  
 თაყვანის ცემამ  
 შეიპყრო თითქმის მთელი სოფელი.

დღისა და ღამის  
 განურჩევლათ  
 მას შევედრიან ხელ-აღპყრობილ...  
 ვინ ბაგით ბოთლსა  
 დასწაფებია,  
 ვის წყანწები აქვს წამომხობილი



და მაშინ, როცა  
 გლეხისა ქოხმას  
 ნიავი არწევს და ალბობს წვიმა,  
 შვაგულ სოფელში,  
 ბახურისათვის  
 მთელი სასახლე წამოიქიმა.  
 ზის და სუქდება  
 სოფლისა წვენით:  
 ველარ ეტევა საკუთარ კანში  
 ერთი კი არა,  
 ორი ათასი  
 სხვა სახლი დასდგა პატარა ხანში.  
 ხალხი კი ხევა  
 რაც დრო გამოდის.  
 დაჰკარგა ხორცი, დაჰკარგა ფერი  
 ტანთ სამოსელი  
 შემოეძარცვა,  
 თავზე გადასძვრა სახლისა ქერი.  
 კვალად შეგროვდა  
 მთელი სოფელი  
 და ამეტყველდა კვლავ იგა ბრძენი:  
 — მოქალაქენო,  
 აბა დახედეთ,  
 რა რიგ გაცრუვდა იმედი ჩვენი.  
 შევბისა ნაცვლათ  
 დიდმა ბახუსმა  
 რა მოგვიტანა? ტანჯვა, წუხილი.  
 საზარალოა  
 ჩვენი სოფლისთვის

და მავნებელი ვგ უცხო ხილი.  
 დროა დავთრგუნოთ  
 მისი თარეში,  
 მოისპოს მისი ურიგო ყოფა.  
 ვიკმართ იგი,  
 რაც თავს გადაგვხდა,  
 რაც ტანჯვა ვნახეთ კმარა, გვეყოფა.



და დაატყვევეს  
 ის თავგასული,  
 ვით ავაზაკი, ვით ქვეყნის მტერი.

— „მას ამნისტია  
 თუ უშველისო“  
 (ფიქრობს ამ ამბის ლექსათ დამწერი.)

ეშმაკი

## ომი და მისი ისტორია.

### პირველი ფლოტი.

პირველი ომის შემდეგ, რომლის მსხვერპლი შეიქნა მეოთხედი კაცობრიობა, ქვეყანაზე ხანგრძლივი მშვიდობიანობა ჩამოვარდა. მიზეზი ამისი ცხადია ის იყო, რომ სამშვიდობო კონფერენციას მართო კაინი დაესწრო, როგორც გამარჯვებული მხარე და თავისი სასარგებლო პირობები მიაღებინა. არც ერთი ისტორიული წყარო არ აღნიშნავს იმ კონტრიბუციის რაოდენობას, რომელიც კაინმა აიღო.

ასე იყო, თუ ისე, ქვეყნად მშვიდობა დამყარდა, ხალხი წელში გაიპართა და მრეწველობა აყვავდა. ის უბანი, რომელშიაც ადამი და ევა ჩავსახლენ უკვე ვიწრო შეიქნა გაზრდილი წარმოებისათვის და მთავრობა იძულებული გახდა გარეშე ბაზარი მოენახა.

აი, აქედან იწყება პირველი კოლონიალური პოლიტიკა დედა-მიწაზე.

ეს საშიში და პასუხსაგები საქმე იკისრა ცნობილმა ადმირალმა ნოემ „სპარსეთ-რუსეთის“ ხე ტყის ქარხნიდან მან შეიძინა საუკეთესო მუხის ფიცრები და აავგო უზარ-მაზარი ზე-დრედნოუტი, რომელსაც უწოდა აკილობანიი. ის შეიარაღებული იყო 16 სამოც დიუმიანი ზარბაზნით და 7 სანალმო აპარატით. გემი დატვირთულ იქნა სხვა და სხვა სანოვაგითა და სათესლე ცხოველებით. ანთგან ქვეყნისათვის გამოსადეგს ორ-ორ წყვილს სხამდენ, ურგებს თითოს და მავნეს არც ერთსა. \*)

როდესაც ყველაფერი მზათ იყო, ინჟინრებმა გაშალეს შლიუზები და გადმოხეთქილმა წყალმა წარღვნა მთელი მეზობელი ქვეყნები. ნოე თავისი „კილობნით“ სწრაფათ დანავარდობდა აბობოქრებულ ზღვის ტალღებზე. ბევრ ალაგას შეეცადა ის საკირო დესანტის გადმოსხმას, მაგრამ ყველგან უკუქცეულ იქნა. პოზიციების დასახვერად გამოშვებული მტრედები, უკან ბრუნდებოდენ და არავითარი სანუგეშო ამბავი არ მოჰქონდათ. ასე გასტანა თითქმის ორმოცმა დღე და ნოეს არკინის ნერვებს უნდა მიეწეროს, თუ მას გული არ გაუტყდა და საქმეზე ხელი არ აიღო. მეორმოცე დღეს გამოჩნდა ცის კიდურზე პატარა უცნობი კუნძული, რომელსაც ესკადრამ დაუყონებლივ ბლოკადა გაუკეთა და ერთ მშვენიერ დილას დესანტიც გადასხა.

კუნძული არარატის წვეროკინა აღმოჩნდა. ნოემ აქ მყისვე აღმართა ნაციონალური დროშა და შეუდგა კოლონიის გამაგრებას.

ახალი კოლონია ძლიერ ლამაზი და მდიდარი ქვეყანა გამოდგა, თუმცა კულტურულად ერთობ დაბალ საფეხურზე მდგომა. ნოემ, როგორც შეეფერება მეტროპოლის წარმომადგენელს, შეადგინა სამი არმია: სიმის, ქამის, იაფეტის ხელმძღვანელობით და გაგზავნა ახლო-მახლო ქვეყნების დასაპყრობათ. თითონ კი შეუდგა ქვეყნის კულტურულათ აყვავებას.

პირველ ყოვლისა ის შეეცადა დაპყრობილი ქვეყნის ეკონომიურათ აღორძინებას და უმთავრესი ყრუდღება მიაპყრო მეურნეობის აყვავებას, ხოლო ამ დარგში მევენახეობა-მეღვინეობას. მან გააშენა საუცხოვო ზვრები, მით უმეტეს, რომ იმ დროს ფილოქსერა არ იყო შეპოსეული ამ მხარეში. ისტორია მშვენიერათ გადმოგვცემს არარატის კალ-

\*) ამიტომაც განციფრებულია ქვეყან, როგორ შეიპარენ კილობნისი: კოწია თუშანიშვილი და პართენ გოთუა.

თებზე მედვინობის აყვავების ამბავს. ამის შესახებ ჩვენი თანამემამულე სუმბათაშვილის მიერ დაწერილ „ლალატში“ ბატონი ვასო აბაშიძე მოხდენილათ მღერის ხოლომე შემდეგ საგულისხმიერო სიტყვებს:

„ნოემ რა ერთხელ იგემა, ჰარი ჰარალე,  
ყურძნის წვენის გემოვნება თარი თარალე,  
თითონ ნუნუას მიუჯდა ვარხი ვარალე,  
წყალი პირუტყვის დაანება თარი თარალე“.

სწორეთ ამით აიხსნება, რომ ლოთობა საწინააღმდეგავად გავრცელდა ნოეს არმიაში და იმ ზომამდე მიადწია, რომ არა თუ სხვადასხვა არმიებს, თითქმის არმიის სხვადასხვა ნაწილებსაც აღარაფერი ესმოდათ ერთმანეთისა.

მართალია საზოგადოთ მეომარისათვის ენას თითქმის არავი არი მნიშვნელობა არა აქვს, პირიქით, შეიძლება საზარალოც დარჩეს, თუ ტყვეთ წაიყვანეს და წამებას ვერ გაუძლო, მაგრამ ამ გარემოებამ თავისი სამწუხარო შედეგი ციხე-სიმაგრეთა აგების დროს მოიტანა.

ბაბილონის ფორტის აგება, ეს ერთი უდიდესი გეგმა იყო ომის ისტორიაში. იმას უნდა გაემაგრებია მდ. ტიგრისა და ეფრატის შუა მდებარე ქვეყნები და ამით უზრუნველ ეყო ნოეს არმია ინდოელ სიპაების თავდასხმისაგან. განზრახული იყო აეგოთ უზარ-მაზარი ციხე, რომლის წვერვალის ცას მიებჯინებოდა და ამგვარათ საუცხოვო პუნქტი იქნებოდა, როგორც პროექტორისა და უმავთულო ტელეფონისათვის, აგრეთვე ჰაეროპლანებთან პულემ-მოიტებით საბრძოლველათ. ნოეს მილიტარისტული სულისკვეთება და შორს მჭვრეტელობა დიხს აქედან უნდა შეფასდეს: იმ დროს რასაკვირველია არ იყო არც პროექტორი და არც ჰაეროპლანი, მაგრამ ის მაინც ეშაადებოდა.

დაიწყეს შენება ფორტისა. სამასი ათასი კაცი დღიან ღამიანათ მუშაობდა მასზე, მაგრამ საქმეს არაფერი ეშველა. როცა კალატოზები აგურს თხოულობდენ, მუშებს წყალი მიჰქონდათ, როცა წყალს, მაშინ კი აგური. აშკარა იყო, უკვე ჩაისახა სხვა და სხვა ენები და აქედან ერებიც. აშკარა იყო, რომ ამ პირობებში ფორტების დასრულება ყოვლად მოუხერხებელი იქნებოდა და აღმაშენებელმა კომისიამ უარი განაცხადა საქმის განგრძობაზე.

ხალხი დაიშალა და დაიწყო ემიგრაცია სხვა და სხვა მხარეებისაკენ.

(შემდეგი იქნება)

მორიელი.

## პატარა ფელეტონი.

გაკვრიო:

ზამთარი მეტად კარგი გვაქვს, თბილი, მშრალი და მზიანი, ოთახში ჯდომას-წერისთვის ვერ იცლის ადამიანი; მაგრამ რას იზამ, როდესაც იფეთქებს მუზა სვიანი, ისედაც უცხო სტუმარი, ისედაც დანაგვიანი.

საწერ სათქმელი, ბევრია, თუმცა პირი მაქვს წყლიანი, რომ არ ვსთქვა გული ვერ ითმენს ვიტყვით და... გველის ზიანი... ავერ, განვლიე ექვსი თვე უხმო და დუმილიანი, კრინტი ვერ დავსძარ საქვეყნოთ დავდივარ გულ-ნაღვლიანი...

რა გაეწყობა, ალღახმა ასეუი ბედი მარგუნა.

კიდევ ვუმაღლი მის ძალას, სული რო შემანარჩუნა!..

და, განვიძრახე ამ ქამათ ისევ შეუდგე წერასა, ბევრა მყავს «გამოსალოცი» თუ მოვიგონებ ყველასა...

მე უწინარეს ყოვლისა უნდა ვახსენო „მამები“

მცხოვრებთა მმოქირისუფლევ პატივცემულნი გვამები:

მრავლათა სხედან საბჭოში შრომისგან განაწამები, ღირსნი არიან მიუძღვნათ, მათ ხოტბა შენაზავები!..

ცული დრო დადვა, მკითხველო, ეხლა გვკირია „თავები“, რომ კრიზისს გადაარჩინონ ვაქრები, საცოდავები!

და მართლაც დიდათ იღვწიან შრომობენ დღით და ღამითა, ჩვენს „მამებს“ მოცლა არა აქვთ თუნდა არც ერთი წამითა: იკრიბებიან, მსჯელობენ თავსაც ირთობენ ამითა,

ხან და ხან „რეჩებს“ იტყვიან  
კილოთი გულ-საკლავითა!..

—ახალხი, ოჰ, ხალხი, ბედ-შავი  
შიმშილის განიცდის, მწუხარებს,  
გულშივე იკლავს თვის ნალველს  
გმინავს და. . თანაც მღუპარებს.  
ვაქრები ცუდათ იქცევა:  
საქონელს ფასებს უმატებს,  
საწყალს, შეუძლო მკვოვრებთა  
ულვოთ ყვლეფავს და ატყავებს!..

ხშირათ მოისმენთ ამ სიტყვებს  
დარბაზსა საბუკისასა,  
მაგრამ გარეთ-კი.. თვით აქმეს  
ვერ ნახავთ თქვენ ამისასა,  
ან-კი ვის ცხელა საქმისთვის  
უცქერენ ოცსა თვისასა,  
მოატანს ჟამი ნეტარი  
გაიტენიან ქისასა!..

ქანქარი ვის მოაგონებს  
ცხოვრებას დატაკისასა  
როს მაძღარა ვინ დარდობს  
ტანჯვა ვაგბას სხვისასა?!

თორემ სიტყვების შადრევანს  
სხვაგან რა გაუკლოვია,  
მგელსა და ცხვარსა ერთპირად  
აბა სად მოუძოვია?!

ალბურთონი

გურული სცენა.

გამარჯობა თქვენ ყველას: ეშმაკს, თაგუნას,  
ბლიკვაძეს, კენტს, კუნტს, კოლონას, კულანას, მა-  
რიელას და ღრიანკელას. მეც თქვენთან ერთად  
თქვენის დღეგრძელობით და კარგათ ყოფნით; დიახ  
მეც ვიყო და ჩემი პიტნაობა არ მიეშალა ყველაშიმას,  
ვისაც ჩემი მოშლა უნდოდეს კაკალი სულითა და  
გულით... დასწყევლოს ღმერთმა ჩემი ბუღუაი! რომ  
მომნათლა რაცხა იფერი უცხოფერი სახელი და-  
მათქვა, რომ ერთის სოის იგინს, ეე დიახ არ გეტყ-  
ვი სახელს, რიდგანაც შენითაც ქე მიხთები, პიტნაი  
ვის ძულს, ხო და მეც ვისაც ვძულვარ შიგ ცხვირ-  
ში ვებღღენები ფინდიხივით... ან კი რეიზა მივე-  
რიდები ვინმეს გონარას არ მივიღებ თუ? ღმერთ-  
მანი კილევ მომენტრა იგი თქვენი გონორარი. ნე-

ტაი ერთი ახლა მაღირსა ამ გაქივრებულ დროზე...  
ახლა ციხეში ყოფნას რა ჯობია, მე გეტყვი შენ და  
არ მისივინებ, მიადექი და იძინე რჯულზე, ნუ გეში-  
ნია ქალი არ გაგეკულუმბუროს კაბა მიყიდეო, ქვე-  
ყანაში თვალი გამაქყერიეო არ გითხრას. მეშენ  
გეტყვი არ გეიგონო ყოლდღე, ყოველ საათში და  
ყოველ მინუთში ბაღანების ზღიპინი მშია: მშიაო.  
ხარ შენდა ციხეში. ქე ხარ მოსვენებული, არც გერ-  
მანიის გეშინია და არც თათრის, არც გებენის და  
არც ბრესლაუს, ციხეში მყოფს უფრო უფროთხილ-  
დებიან გარეთ გამოზილზე, არც დაბრაგოლცათ  
გაგზანიან და არც ი.ე. ერთი სიტყვით ახლა ციხეს  
აფერი არ ჯობს. ოი მისი ქირი შემეყარას, ცხონ-  
და მისი ამშენებელის სული. ამიზა ჩემო ძამიავ, ეშ-  
მაკო, შენი გაცოცხლება და მათრახის მეკრეთით  
აღდგომა ძალიან გამიხარდა, იმიზა გამიხარდა, რომ  
რაცხა გული მთქვამს ადრე მომისჯიან გონორას,  
ისე, რავაც ერთი ამ ექვსი წლის წინათ მაქამეს სა-  
ხემწიფო პური იმიზა რომ შენს მათრახში ვპიტნა-  
ობდი. ღმერთო შენით ახლაც ადრე გამაწესებენ  
ძველ სამსახურში და ხომ იცი მაშინ თუ ერთი  
დღე ათ დღეთ ღირდა, ახლა იქნება ერთი დღეი  
რეიზა ასათ არ ღირს. ამიზა მეც ვეცდები სხვებს  
არ ჩამოვრჩე, მართალია ხარი რომ დაბერდება  
დაკვლა უნდა, მარა, ჯერე ოჯო არც ისე ვარ  
თლა მოშლილი კონდახში რომ, კვირაში ერთი გზო-  
ბა ვინცხა, ვინცხა არ ვიშონო და არ ჩავპიტნო.

პიტნა

სმა სოხუმიდან.

1  
ძველი ბაზარი.

სოხუმის ძველი ბაზარი,  
ეს ღარიბთ თავ მისაფარი,  
საუცხოვოა, მით რომ აქ  
ხშირათ თავს იჩენს „პაუარი“,  
აღბათ ვისიმე ჯიბეში  
დენას დაიწყებს ქანქარი.  
საკბილო რამ თუ გაჩნდება,  
მისთვის ხომ მგელიც მზათ არი,  
ღარიბს კი „ბებიასავით“  
რჩება ფერფლი და ნაცარი:  
წვისგანც და აშენებისგანც  
უნდება „ჯიბის კატარი“...

II

ახალი ბაზარი.

სოხუმის ახალ ბაზარში  
ვაქრობა გაჩაღებულია.  
რა საქონელი გინდათ, რომ  
ჯერ იქ არ გასაღებულა?  
ან და რა ზომის ბუტკა გსურთ,  
რქ რომ არ აწენებულა?  
ან ვინ დასთვალოს ქანქარი,  
მუნით რომ წამოღებულა?  
ან ვინ დაჰყნოსოს ჰაერი,  
იქვე რომ აყროლებულა  
ტბა რომ დამდგარა, ქაობის  
ტლოპო რომ ადლებულა,  
შიგ რომ ღორი წვეს ღრუტუნებს,  
სიმსუქნით გალაღებულა?!

III

გაზეთი სოხუმში.

ორი გაზეთი გამოდის,  
ერთ ურთის უკეთესია.  
მკიან იმასა, რაც უკვე  
სხვა გაზეთს დაუთესია  
და შეითვისეს რალაჟა  
პრესის არ, პრასის წესია.

IV

არჩევნების წინ.

ზღვის პირად ვნახე მე ეს ქალაქი  
და თუმც ხელობით არ ვარ დალაქი,  
მაინც მის მამებს თავების ხრიკე  
მე სამართებით გადაუფხიკე,  
რომ ბნელაშიაც მათი თავები  
სულ კაშკაშებდნენ ვით ვარსკლავები...  
გარნა ვარსკლავთან რა აქე მსგავსება  
იმას თან და თან რაც რომ ხავსდება?  
მხოლოდ ვსთქვი: „ამით გაგზნდი ლორ-  
ღებათ.  
ქალაქს ხომ მაინც მძიმე ლოდებათ  
თავს დასწოლიან, უქერენ სუნთქვას,  
თორემ თავები იმათი ფუნდ ქვას!..  
რადგან ქალაქის ყოფნა, არსება  
ახლა მკდრის აჩრდილს მიემსგავსება.  
და... მამების მოხდა წყალობით...

აი ამიტომ „ზარის“ გალობით  
მათ მივაცილებ კუბოს კარამდე,  
„სულთა თანასაც“ ვუმღერ სადამდე,  
შემდეგ ამისა გულ დამშვიდებით  
ახალ არჩევნებს მივეგებებით:  
იქნებ გამოჩნდეს ნამდვილ მამები,  
ქალაქის წყლულთა დამამები!“.

ონისიმე.

პროვინციის მოღვაწენი.

იუბილე გუსარ როსტომის ძე ფუტურიძისა.

25 მარტი 1915 წლისა, გურიის ქალაქ ქორი-  
სუბნისათვის დიდებული და არაჩვეულებრივი დღე  
იყო. ქალაქის ხელმძღვანელობით მთელმა პროვინ-  
ციამ 55 წლის იუბილე გადაუხადა საყვარელ საზო-  
გადო მოღვაწეს გუსარ ფუტურიძეს.

როგორც თვით ბუნება გურიისა, მრავალ ფერო-  
ვანი და სავსეა იუბილიარის ხანგრძლივი მოღვაწეო-  
ბა და სასიამოვნო მოვლენათ უნდა ჩაითვალოს,  
რომ ხალხი შეძლებისამებრ აფასებს თავდადებულ  
პირთა ამაგს. რასაკვირველია ბ-ნი გუსარ ფუტუ-  
რიძე გაცილებით მეტის ღირსი იყო, მაგრამ ხალ-  
ხის სიღარიბეს და დღევანდელ არევ-დარეულ ცხოვ-  
რებას ყველაფერი მიეტევება.

პროცესია დაიწყო საკრებულო ეკლესიიდან, სადაც  
თავ მოყრილი იყო გუსარის ურიცხვი პატივისმკე-  
მელნი, სავედრებელი წირვისა და სამადლობელი  
პარაკლისის შემდეგ ეკლესიის უმთავრესმა მსახურ-  
მა მიმართა იუბილიარს შემდეგი საგულისხმო  
სიყვებით:

— „მონაო ღვთისაო, კეთილმსახურო ეკლესიისაო  
და სიამაყევე ჩემი მრევლისაო გუსარ როსტომის-ძეე!  
მე, მსახური წმიდისა ამის ტაძრისა, დღეს დიდი  
ბედნიერი ვარ, რამეთუ ვიხილო სასწაული. დღეს  
ეკლესიას წარუდგა მონა თვისი და განუტხადა მას:  
ამე მომცა ღმერთმან ტალანტი რომელი არა დაე-  
ფულ მიწასა შინა უსარგებლოთ არამედ, ასგზის  
განვამრავლე იგი“. შენ არ ემსგავსები ზოგიერთ  
გარეწარს, რომელიც ივიწყებს თავის რჯულს და  
პატივისცემას წმიდა ეკლესიის მსახურთადმი. შენ  
კარგად იცი, რომ მსიტყვა თვინიერ საქმისა მკვლარ  
არს“ და რათა ნათელ-გეყო სიტყვივე სარწმუნოე-  
ბისა, ჩვენ ეკლესიის მსახურთა, ყველას სათითაოდ  
გვეცი პატივი და მოგვიტანე ანაფორები. შემოდგი

ფეხი რა დედა ქალაქში. ჰირველათ ვამბორე ხელზე ღვთის მსახურს, შებრძანდი ეკლესიაში, გააჩაღებინე იგი ათი შაურის სანთლებითა და ქველა ჩვენგანი დაასაჩუქრე; ეს შეუძლოა მხოლოდ ქეშმარიტ ქრისტიანს და ჩვენც როგორც ქრისტეს მოძღვრების დარაჯნი, გიძღვნით რა წმინდა ჯიორგის ხატს, ვავედრებთ წინდა გიორგის, ის იყოს თქვენი წინამძღვარი და ღმერთმა განაგრძოს ცხოვრება თქვენი ამიერ და უკუნისამდე.“

ეკლესიიდან იუბილიარს წარუძღვენ წინ სეფე ქალნი ყვაერლებით და მიიყვანეს ქალაქის შეულობავ ბაღში. აქ მალღობ ადგილას დასვენებენ და დაიწყეს ცერემონიალი. ამ სამოქალაქო ადგილას პირველად წარუგდა იუბილიარს წინამძღოლი ბრწყინვალე წოდებისა და მოახსენა:

— ელვარებავ და საქვე ჩვენი წოდებისაო, ბატონო გუსარ. ბედნიერი ვარ მე ღღეს, რადგანაც წილათ მხვდა თავად-აზნაურობის სახელით მოლოცვა თქვენი მოღვაწეობის ნაწილის იბიღეთი. მადლიერია თქვენი მთელი ბრწყინვალე წოდება, რადგანაც ახსოვს მრავალი ამგვი, რომელთაგან გავიხსენოთ თუ გინდ ეს ერთი. იმ დროს, როცა ჩვენს მიწა-წყალს, ოთხ-ხუთჯერ გაყიდულს ურცხვით დაეპატრონენ გლეხები და არ გვაძლევდნ ღალას, თქვენი წყალობით ავიღეთ არამც თუ ღალა, არამედ მიწის ნაცდურიც და ბევრმა გაკაფული ტყის ფასიც, თუმცა მას სულაც არა ჰქონია ტყე. შენის მეოხებით ებოძა ბევრ მძიებელს აზნაურობა. დაუბრუნდა ღირსება ბევრ ღირსება აყრილს კაცის კვლისა, და ცხენის ქურდობისათვის. დიდია თქვენი ჩვენზე მამობრივი ზრუნვა და ამიტომაც მადლიერი თავად-აზნაურობა გიძღვნის ვერცხლით შექედილ ყანწს და ამ ყანწით სვამს თქვენს საღვებრძოლს.“

მქუბარე ტაშმა შეაზნაურა პაერი.

მერიქიფე აცხადებს: ილაპარაკებს ქალაქის ოავიო.

— ჩვენი ქალაქს საპატრიო მოქალაქე და ჩვენი ქალაქის გამაპატრონენ ელო გუსარ! ბედნიერი ვარ მე ღღეს, მაგრამ განა მე შემწვეს იმისი ნიჭი რომ შევძლო ჩემი ბედნიერების გადმოცემა. მე ვგ შემიძლია, მაგრამ ხომ მოგესხენებთ, გაზაფხულის მშვენებას უგალობს ბუღბული, ამკობს შაში, ჩხარაივი, გაიდონა და ამავე დროს ქრიკინებს ქრიკინაი და თავის ქრიკინში ისიც ქებათა-ქებას უძღვნის დიდებულ გაზაფხულს. თქვენც დიდებულო ბატონო გუსარ, თქვენც ყველასათვის ფასდაუღებელი ბრძანდებით, მაგრამ ყველაზე მეტი ამავი რწმუნებულ ჩემდამი ქალაქზე მიგიძღვის. რას წარმოადგენდა ჩვენი ქალაქი ამ 15 წლის წინათ? არაფერს. სახლები და დუქნები ძველი, თათრული პლანის, ქუჩები დაუბლანავი, ქუჩაში არსად არ

იღვა გოროდოვოი, არ იყო პოსტი, არც გეყავდა საკუთარი პრისტავი, თქვენმა ნიქსა ყოველივე ეს გაითფლისწინა. ვადიწვა, ვადიბუვა ქალაქი და, აი ხომ ხელდავთ ახლა როგორა ახალი სახლები და დუქან-მაღაზიები კეთდება, როგორ ემსგავსება ეს ერთდროის აზიური ქალაქი ვეროპოლუს? თუ მომავალშიაც ხელს არ ავკალებთ თქვენი წყალობით იმედა ველირსებით ღვორნიკების ინსტიტუტსაც...

მაგრამ მარტო ამით არ დასრულებულა თქვენი ჩვენდმი პატივისცემა. ბევრი ფიქრობდა ამ ჩვენს ქალაქში აქ შენება საავთყოფო, მოეწვიათ ექიმები, გაემართათ რაღაც ნახველისა და პატივი თქვენთან, კიდევ ვარესის საშინჯი ლაბორატორია, გაეხსნათ ქალაქის აფთიაქი და სხვ. მაგრამ თქვენ, გუსარ თავის დროზე მოიღეთ მოწყალება და გვიხსენით განსაცდელისაგან. გავიგონაო, ბნებო, ქალაქში საავთყოფო ან რაღაც ლაბარატორია თუ ბაქტერალოგია? ქალაქში რომ საავთყოფო გავგეხსნა; ავათყოფებ დან ხომ კარგათყოფებაც ავთ გახდებოდნ. მე შესის საავთყოფო გააკეთო აი თუ გინდა სომლიაზე ან საყორნიაზე, თვარა ყურის ძირში მაგის გახსნას სულელის მეტი ვინ იფიქრება. ან კიდევ აფთიაქი. რათ გვინდოდა ჩვენ აფთიაქი, აფერათ; მაგ. აფთიაქი ჩვენ ვალს დაგვადებდა და ერთიერთმანეთს სამკვდრო-სასიცოცხლოთ გადაგვეღებდა. ჩვენ გვყავს 15 ხმოსანი; გვყავს 5 კატანტი. აფთიაქი რომ გექონოდა ყველა ოცივე მოვიდო მებდით ჩვენ ჩვენი მოყვრის შით ჩაყენებას, ზოგის ნათესავი პრავიზორია, ზოგის პომოშნიკი ზოგის უჩენიკი, ახლა თითო პარუსკაი ციკაი ბაღის კლასიანი ყველაყას ყავს და ყველაყაი კასირშით უნდა დაგვეყენებია. შევქამდით ბატონო ერთმანეთს. ყოველივე ამას თქვენ ადრე მიხვდით და რომ აფთეკის გახსნი-საგან დაგვიხსენი ამიზა დიდი მადლობელი ვართ;

განა მარტო ამით დაავალიანე თქვენ ჩვენი ქალაქი? არა, ბატონო გუსარ, არა. ჩვენ, ხმოსნებს, ბატონო საშინლად გვეღუროდა პოლიცია. სულ მალჩიკას გვიძახოდა, თქვენ ჩაერიეთ ჩვენს საქმეში, იქონიეთ გავლენა პოლიციაზე, შეაბრალებთ ჩვენი თავი და ახლა ისე კარგათ ვარო, რომ უკეთესი არ შეიძლება. (მართლა ქრიკინა ყოფილა! ვაისმა საღაც კუთხეში) თქვენ მიგვახვდინე, რომ ჩვენ უიმართოთ არ ვარგავართ თქვენ შეგვარივე იმ გაბედულ უფროსს, რომელიც ჩვენს ენის ძაღლის ენას უძახოდა და ყველა გურულოს ლეკურის ერთი შემოქნვეით გვიპირებდა თავის წაქრას. დიახ შეგვარივე ამისთანა დიდ კაცს და როცა ის აქედან გადაყავდათ, თქვენ მაშინაც შეგვიბრალე და ჩვენ არ მოგვაშორე, ისევე აქ დაატოვებინე. რამდენი ერთი უნდა ვთქვა“. ვინ დათვალოს ცაში ქვიშა და ან ზღვაში ვარსკვლავებიო ტყეილათ ხომ არ უთქვამს შოთა რუსთაველს. უშომოთ თქვენი პატივისმცემელი ქალაქის მცხოვრებნი გიძღვნიან ძველებურ მოქედილს ფიშტოს და გისურვებენ კიდევ დიდხანს იცოცხლო ჩვენი ქალაქის საბედნიეროთ...

(შემდეგი იქნება)

შრაპნელი

# პირველ მარტიდან

ქალაქ თბილისში

გამოდის ყოველკვირეული იუმორისტული გამოცემა

## ბებელი მართანბნი

ჟურნალის სამხატვრო და სალიტერატურო მხარეს განაგებენ ეშმაკი და თაგუნა,

ხოლო გამოცემის საქმეს ა. გ. ბუკია და გ. მ. მახარაძე.

თანამშრობლები — ალბურონი, ბლიკვაძე, ეშვი, ეშმაკი, თაგუნა, კენტი, კვინწარი, კოლო, მორიელი, ნაბუქოდონოსორი, ონისიძე, პიტნა, ფონ-ტეფო, ქიქოძე შ., შმერლინგი, ჩიორა, ჭიაურელი, ხუმარა და სხვ.

ჟურნალის ფასი — 12 თვით 5 მ. † 6 თვით 3 მ. † 3 თვით 1 მ. 50 კ. † 1 თვით 50 კ.

„ბებელი მართანში“ დაიბეჭდება მხოლოდ იუმორისტული შინაარსის წერილები: ლექსები, მოთხრობები, ზღაპრები, არაკები, შარადები, გამოცანები, ნაკვესები და სხვა.

ჟურნალის მახლობელ ნომრებში დაიბეჭდება საერთაშორისო ომის საუკეთესო ილიუსტრაციები.

რედაქცია სთხოვს ყველა თანამშრობლებს, მასალა გამოგზავნონ ამ ადრესით:

**Тифлисъ.** \*)  
Контора „Гантиади“.   
Почтов. ящ. № 21.  
(ახალი მთრახისათვის).



\*) ეს ადგილი კონვერტზე მარკისათვის არის დანიშნული და გულმავიწყეს მოვადონებთ, რომ უმრავლ წერილს რედაქცია არ დაიხსნის.

# მ რ ი პ რ ი ბ ი პ რ ს ი



ნიკორა ზაქაძე (ქმინავს.) აი მგოსანი! აი პოეზია!



დათიკო კასრაძე: უნდა გულახდილათ აღვი-  
არო, რომ ბ-ნ ნიკორა ზაქაძის აზრს სავსებით არ  
ვიზიარებ. უმჯობესია ნაძალადეგ მგოსნობაზე აი-  
ლოს ხელი და დარჩეს ცოცხალი სიტყვის რუსთა-  
ველად, თანამედროვე კონდიტელათ და ოქრო-  
პირად.

რედაქტორ-გამომცემელი—ნ. დ. ფლენგისა.

Печатать [разр. воен. цензурой.

Типогр. Т—ва „Прогресс“, Лорисъ-Меликовск. № 1.